

義寧州志卷第八

土產

揚州古域艾其一隅厥包厥筐非禹貢書瓊田紀草鱮航
識魚樹豫章木摘江南腴水陸之產詎易罄諸吾

君重穀不貴金珠布帛菽粟民食民襦臚叙土物聊當吳歛

志土產

穀類

稻 周禮職方氏荆揚宜稻江西故揚州地也雷次宗所云
嘉蔬精稻擅味於八方是也爾雅翼稻米粒如霜性尤宜
水一名徐黏者為糯不黏者為粳今之土俗則食米皆稱
黏釀酒皆稱糯矣其時候於清明前後浸種春夏之交分
秧夏秋之交穫刈平原水暖宜早山陬水寒宜遲此大較

義寧州志

卷八

土產

一 四百八十

也夏熟者曰早禾秋及冬熟者曰遲禾又有早稻中稻遲

稻晚稻之分最早者於社時浸種有曰六十日七十日八

十日隨犁歸農民取其早穫然次早者曰太平早建陽早

百日黏百二十日黏成熟候矮黏柳黏齊頭黏北塘黏遲者

曰見秋紅虎皮秫冷水秋硬藁紅殼秫懶擔糞七斗糙又

有中稻曰鐵馬鞭鵝黃白落塲青湖廣秬觀音秬九晚禾

宜暖水田早稻刈後即栽田一歲可兩穫中稻遲稻則一

歲一穫近又有於耘早稻時栽禾役中者名曰襯禾至秋

杪而後熟九稻之色以黃白為佳有早白晚白霜下白銀

條白木樨黃鵝爪黃又有黑鬚紅稔大青矮青鴈來烏麻

子烏野雉斑鷓鴣斑海棠碧金珠麻赤其種名曰三穗千

趕冬春下馬看師姑梗紫芒倒水賴水性宜占城田之高者種之謂之

耐旱 早稻惟

以類推之不可枚舉糯稻則有大糯百日糯赤糯鐵脚柳條油麻金絲倒藁碓子馬牙胭脂羊鬚馬鬃烏節紅殼金釵桐子蘆花虎皮矮子趕陳瓜子平頭黃殼黑嘴草鞋荔枝等種其性軟而黏用以造酒及作餅餌為佳耳粟 說文嘉穀實也爾雅翼古以米之有莖殼者皆稱粟今人以殼之最圓者為粟孔氏曰粟之為言續也粟為陸穀之首爾雅粢稷註今江東人呼粟為粢衆秫疏謂黏粟也與穀相似米黏北人用之釀酒其莖稈似禾而粗大是稷秫皆云粟矣又爾雅麩赤苗註今之赤梁粟芑白苗註今之白梁粟皆好穀亦非近所謂粟也近時粟有黏糯黃白赤數種粒細而圓今土俗則稱不黏者為黏粟黏者為糯粟有鹿角粟馬口粟乳粟粒大如豆色白味甘龍爪粟有

義寧州志

卷八

土產

二 五百卅四

三稜分數歧莖最薄鴨掌粟其穗如鴨掌毛竹嶺及各山地多種之尖粟栗樹與花葉俱似栗味亦如之實小於栗子推獨顆象茅栗崇武奉山中多有之別種有苞蘆粟苞數重長數寸苞上有鬣嫩時色白老漸赤實大如豆種宜於瘠土故山鄉多種之一幹可得二三苞褪其莖成米烝食頗與稻米相埒亦可釀酒

蘆粟 一名高粱亦曰蘆稭梗紅實紫黑色味甘民間多取以釀酒及為糍餅夏種秋收宜於高燥處樹之按稷為五穀之長古人黍稷必并言說文黍禾屬而黏者也以大暑而種故謂之黍字彙黍粟屬苗似蘆高丈餘穗黑色實圓重土宜高燥爾雅翼黍大體似稷通志稷苗穗似蘆而米可食月令章句稷秋種夏熟歷四時備陰陽穀之貴者正

字通稷似黍而小又名稭呂氏春秋飯之美者有陽山之稭穆天子傳稭麥百載註似麥而不黏說文似黍不黏陶隱居云稷米人亦不識書記多云黍與稷相似李時珍曰稷黍一類二種黏者為黍不黏者為稷諸說互有異同然考其形似黍稷於蘆粟為近又爾雅翼梁者黍稷之總名說文稻穀名篇海似粟而大有青黃白三種又有赤黑色者其性涼故稱梁猶黍以大暑而種故稱黍也韻會補梁粟類米之善者五穀之長今人多種粟而少種梁以其損地力而收穫少也寧六穀皆備互參諸說黍稷梁難辨而稻菽麥其易分者然考崔豹古今註稻之黏者為黍亦謂稭為黍禾之黏者為黍亦謂之稭亦曰黃黍豈古所云黍稷稻梁名可互易耶

麥 說文芒穀秋種厚薶麥金也金王而生火王而死月令註麥者接絕續乏之穀詩周頌貽我來牟廣雅來大麥牟小麥寧大小麥多種於山地及洲土大麥間種於田然種麥者稻則減收大麥秋種立夏時熟可作飯及餅餌造成燒酒味最烈小麥九月種小滿前熟可用為麵及饅頭餬飪麥在北方花晝開南方夜開收時多值陰雨宜速不宜遲別種為蕎麥一名烏麥亦名苽麥白露前撒子霜降後收農家以此為救荒之穀歲旱則此穀易生而有收地力未盡故也可作餅食釀燒酒亦佳又有苦蕎麥三四月收山鄉多種之磨漉製為餅味苦而轉甘可供饗殮

豆 古名菽詩藝之荏菽是也戰國策張儀說韓王曰五穀所生非麥而豆民之所食大抵豆飯藿羹姚宏註史記作

飯菽而麥古語但稱菽漢以後方謂之豆近時言豆不言菽以菽為衆豆之總名也豆種類甚多寧所產者有大黑豆小黑豆大黃豆小黃豆青皮豆赤豆俗名茶菘豆製為粉滑膩水浸出菜芽可為菜粽子豆斑色米豆粒小味香宜煮食冬豆圓如珠可作飯虎爪豆李時珍曰種出西湖其條柔弱宛宛故名碗百穀中最先登者或云即蠶豆東坡所謂王修菜八鄉皆一種高鄉尤多豆菹豆莢形扁一名蛾眉豆又名羊眼豆可入藥刀豆其莢可為蔬及其種植或在田在山在洲在田墜

麻 爾雅釋草臬麻疏麻一名臬又臬實註禮記曰苴麻之有臬疏臬麻也臬即麻子名故云臬實玉篇麻臬屬皮績為布子可食即本草所載大麻仁也今所食者白黑芝麻耳黑芝麻一名巨勝種出大宛故名胡麻陶宏景謂義寧州志 卷八 土產 四 六百六十七 八穀之中惟胡麻為良顧古安得有此耶正字通謂油麻以其可榨油也寧土處處種之白者較多耳

甘薯 乾隆五十一年冬

皇上特允閣學侍郎張若淳之請

勅下直省廣勸栽培以為救荒之備江西巡撫何裕成重刊山東按察使陸燿所著甘薯錄通頒各屬俾廣為流傳寧布種甘薯久矣賴其利者甚衆節錄諸說於左

甘薯錄中土薯之有薯蕷之屬見於陳祈暢異物志稽含南方草木狀中土薯之有薯蕷之屬見於陳祈暢異物志稽含南方明季有閩人陳經綸復自呂宋移其種歸樂謝肇淪黃州勸民樹藝閩人陳經綸復自呂宋移其種歸樂謝肇淪黃州李時珍新城王象晉各論述皆形圓長本末皆銳皮紫所素珍也羣芳譜朱薯一名番薯形圓長本末皆銳皮紫肉白質膩潤撲地纏生一倍莖蔓延數十百莖節三及一畝種數十膩勝種穀二倍有謂性冷者非二三月及五七八月俱可種外有可以大當小耳者芋也薯蕷也而閩中有

番薯似山藥而肥白過之種沙地易生而極蕃衍飢饉之民多賴全活
徐元扈曰甘薯有益十二勝收入多一也色白味甘諸中特為復絕二也年可當米凶歲不能枝葉附地隨生
作風不歲一莖五次可收屑之旋作餅勝用錫蜜九實根也
七也皆可釀酒也乾久收易灌漑十餅勝用錫蜜九實生七也
冬收皆可食也乾久收易灌漑十餅勝用錫蜜九實生冬收皆可食也
工十入也葉極盛草穢不容但須壅培不用鉏芸不妨農
食蒸食亦可初結即可食味多作及粥磨作粉餵食水食
蔬又曰存薯不可作酒春細水攪去渣曬成粉其嫩葉可作
風和暖處用草浮蓋俾通氣若封固則發熱壞爛按甘薯錄所載辨類勸取種實製用衛生至詳且悉大約
樹藝宜於沙土栽布各隨其時隕霜則必盡收藏實多用
土窖收時半刨成絲將水澆過即為粉其絲曬乾山農留
為隔歲之糧

蔬類

蘿蔔產於馬洲黃田者佳白菜出青雲門外迎恩門外者佳

義寧州志

卷八

土產

五百零九

冬瓜茄子安平港較美如菘芥芸臺波稜萵苣蒼蓬葫荽
茼蒿葱韭蒜菹紅白莧冬莧馬齒莧藤莧豆角苦蕒蕪菜
香菜苦菜地蠶菜芋薑蕨菌石耳山椒花椒王瓜苜蓿瓜西
瓜北瓜匏瓜苦瓜甜瓜葫蘆瓜在在有之又神仙菜詳見
大湖山

草木類

蘭蕙 黃山谷記蘭似君子蕙似士大夫大槩山中十蕙而
一蘭也離騷曰既滋蘭之九畹又植蕙之百畝則知楚人
賤蕙而貴蘭矣蘭蕙叢生蒔以沙石則茂沃之以湯茗則
香是所同也至其一幹一花而香有餘者蘭也一幹五六
花而香不足者蕙也余居保安僧舍時開牖於東西西養
蕙而東養蘭觀者必問其故故著其說通志清水巖南巖

有石室北巖多蘭蕙

瓊田草 服食譜云生於分寧山中八月十五日拔之一名長生草一名玉芝山谷詩自注子瞻詩所記胡道士玉芝一名瓊田草者俗號為唐婆鏡葉底開花故號羞天花以予考之實本草之鬼臼也歲生一臼如黃精而堅瘦滿十二歲可為藥就上生節取一臼勿令大本知也煮麵如餠鈍皮裏一臼吞之數日不飢吞三臼可辟穀也黃龍山老僧多采而斷食令人體臞而神王今方家所用鬼臼乃鬼燈擎耳姚寬西溪叢語瓊田草生分寧山谷間有瓊田草經一卷八月十五日採之草有十名曰不死草長生草又曰苦天之類

千年松 生山澗中低亞屈盤可供几案之玩有產幕阜黃義寧州志

卷八

土產

六
四百十三
五

龍絕壁間者高不逾二三尺虬幹蒼老不知幾千年也藻心 生沼池澗溪中房中如心狀如蓮蕊味極甘泰鄉多用以點茶

石菖蒲 產深澗石縫中有九節十二節者

棗 熟時取之刮其皮去核置筐上焙乾作湯極甘美產官溪者良

筍 冬筍出崇武二鄉味極甘鮮春筍如貓頭馬鞭處處有之入夏各種小竹筍俱可啖又有生池沼者為蒲筍俗呼茭筍又名禾筍

梓 出武崇仁鄉有文梓康梓二種文梓文細康梓文粗木之類有松栢楊柳梧桐杞樟椿楓楮柞株桑柘檀山棗梗榆欒柟果之類有梅桃李銀杏木瓜枇杷石榴橘柚柑橙

榷板栗尖栗茅栗楊梅梨柿藕葡萄花之類有木樨海棠
牡丹芍藥菊蓮瑞香芙蓉薔薇山礬鷄冠躑躅月季梔子
百合繡毬鳳仙玉簪水仙凌霄望春茶蘼紫荊紫薇錫杖
罌粟葵寶珠茶玫瑰藥之類有赤芍獨活香薷木通牛膝
艾半夏射干枸杞厚樸香附烏藥牽牛青箱白芨百部勾
藤車前乾葛青木香益母草金銀花金櫻子女貞子栝蓏
南星茱萸有二種大者如豆小者如米治腹疾小者佳治胃氣大者良本草稱吳茱萸桔梗出於艾見本草今茯苓下有茯苓上兔絲何首烏山雞洞諸長泥嶺甚多每於對山牽絲結窠尤
大黃精之取以蒸曝可為果餌

竹 禹貢揚州篠簜既敷孫炎曰竹潤節曰簜郭璞云竹別
名篠為小竹簜為大竹雷次宗豫章記云金鐵篠簜資給
於四境寧所產者其大者為毛竹長數丈圍數寸篋器悉資之武鄉多取以造紙

義寧州志

卷八

土產

七 五百六十二

幽溪山中大者可為盆為甌其小者有欒竹可為篙烟竹笙竹製篳龍俱佳
越譜笙竹吳苦竹筍味甘苦方竹出武鄉中峯寨連葛坡竹出
池劍實竹月報竹生月月水竹紫竹箬竹許可為筮斑竹證
諸戴凱之竹譜豫章所產箇籊竹蘇麻竹桃枝竹簪篠竹
白鹿竹浮竹互有異同要可以篠簜概之云

鳥獸類

布穀鳥即倉庚春夏之交鳴曰割麥栽禾

竹雞 毛羽斑斕天將雨長鳴曰泥滑滑蓄之可避白蟻

擔當鳥 在深山中夏夜聲徹曉鳴曰姑姑擔當嫂嫂不擔

當

鼓吹鳥 山中羣鳥翕鳴如琴瑟笙竽迭奏間作自為律呂

挂幡鳥 俗名山鴉鵲翠首丹面體披襍文尾二條色白長

尺餘穿竹木間常自護其尾

鷓鴣 師曠禽經云鷓鴣飛必南翥異物記曰白黑成文其鳥自呼山澤中多有之

虎 藏深山幽巖中處茅章不處樹林慮禽鳥之遺天也山農每當草枯時舉火燒之以免藏虎號曰燒畚

山牛 雄者角岐而長雌者無角眉目際有孔深寸許今已尠見矣留其皮為寢席可以避濕

野猪 喙長而銳皮厚肉實每出百十為羣大損山苗大者可三四百觔

鹿 藏深山不常見鹿遇雪盡出一獵可十獲

毫猪 通體有箭長數寸上黑下白顛末皆銳急則張之虎亦逡巡無敢犯其行鄉鄉有聲

義寧州志

卷八

土產

八 四百十四

香狸 一名果子狸專食果子烹食味極甘香又有玉面花尾九節牛尾數種

羽之類鷄鴨鵝洋鴨水鴨野鷄鳩鴉燕鵲雀鸛鴉鷹鷄白鷗白鷺青鸛鵲啄木畫眉百舌鷗鴛鴦翡翠子規黃鶯

鴝鵒鷓鴣鷓鴣毛之類馬牛羊豕犬貓驢騾兔獺猿猴野羊狐俗呼黃野狗豺狗貉俗呼鼬狗熊麋麋捫田猪寢地猪

鱗介類

儵 郭璞云有水名修有魚名儵莊子秋水篇儵魚出游音義即白儵魚也又淮南子覽冥訓不得其道者若觀儵魚註儵魚小魚正字通俗呼參條魚長而小時游水面性好游故名

魴 雲溪友議載許真君記云滸有魚名魴博雅魴魴也即

為草茶第一 葉夢得避暑錄話草茶極品惟雙井顧渚亦不過各有數畝雙井在分寧縣其地屬黃氏魯直家也元祐間魯直力推賞於京師族人交致之然歲僅得一二斤耳顧渚在長興縣所謂吉祥寺也其半為今劉侍郎希范家所有兩地所產歲亦止五六斤近歲寺僧求之者甚多不暇精不及劉氏遠甚余歲求於劉氏不過半斤則不復佳蓋茶味雖均其精者在嫩芽取其初萌如雀舌者謂之槍稍敷而為葉者謂之旗旗非所貴不得已取一槍一旗猶可過是則老矣此所以為難得也 周輝清波雜誌雙井因山谷乃重蘇魏公嘗云平生薦舉不知幾何人惟孟安序朝奉歲以雙井一甕為餉蓋公不納苞苴顧獨受此其亦珍之耶

按雙井茶黃庶詩云雙井名入天下耳建谿春色無光輝司馬溫公歐公坡公俱有詩又坡公和錢安道寄惠建茶詩云糠粃團鳳友小龍奴隸日注臣雙井寄周安孺茶詩云未數日注卑定知雙井辱孔平仲送郭明叔知分寧縣云茶井芽香雪滿甌陳後山贈山谷詩云君如雙井茶衆口願共嘗周益公山谷祠記其詞云擷白芽於雙井燦浮甌之雲乳其為當時名公膾炙如此

磴茶法 山谷刀筆云當以蘆布作巾裹厚坳盞一隻置茶其中每用手頓之盡篩去白毛并揀去茶子乃磴之則茶色味皆勝也又云石磴湏洗令無他茶氣風日極乾之芽子以疎布淨揉去白毛乃入磴少下而急轉如旋風落雪方得所又詩云落磴霏霏雪不如山芽落磴風回雪曲

盡礎茶之妙然此法今已成廣陵散矣

煎茶法 山谷刀筆云點時淨濯瓶注甘冷泉熱火煮盤
煖盞令熱湯才沸即點草茶劣不比建溪湏用熱沸湯也
又煎茶賦云水茗相投而不渾詩云茶如鷹爪拳湯作蟹
眼前

芽茶 雙井釣臺畔有茶一株葉與常茶異高四五尺許土
人間採之味佳勝天池武夷又雙井明月菴牆隅一株然
皆不復見矣今其地猶生茶採於清明穀雨時者為芽茶
採於立夏時者為子茶小滿芒種時則為紅梗白梗八鄉
皆有之而崇鄉幽溪較勝 按宋史食貨志嘉泰四年知
隆興府韓邈奏請隆興府惟分寧縣產茶也縣無茶

烏柏油 烏柏俗呼山茶子冬月花白如雪越歲結子纍纍

義寧州志

卷八

土產

十一 五百

不墜霜降後房實互採晒乾房作十字裂而實出取其實
榨汁為油其利甚溥 按郭氏元中記曰荊州有樹名烏
柏其實擣汁可為脂其味亦如豬肪則知柏油自古有之
桐油 桐樹山中高下並植三年始花其實繁秋杪房實互
取醃月餘剥其實為油利與茶子相埒今種茶子者即種
桐桐子罷而茶子盛矣

菜油 油菜晚稻刈後種正月長蕪摘食味極佳二月花黃
如散金三月結實榨其實成油可為燈亦可琢燭

落花生 沙地多種之花落土上結實如蠶有簿殼紋縐而
凸起子離生二三粒不等亦可為油

棉花 木棉有草木二種南史高昌國傳有草實如繭中絲
為細纊取以為布甚軟白三四月種八月收官溪多有之

其實亦可為油

苧麻 以淨白而長者佳色黃而短者曰糙麻

棉布 有麤細二種邊幅甚濶仁西二鄉尤多

苧布 用頭麻績者為精二麻績者為麤鄉鄉有之

葛布 其極細者如紗羅麤者多緯以苧出安西鄉者良

絹 色黃細者如綢不織者為單絲織而踈者為單絹

櫻 多出崇鄉山中其樹種植十年方可割用嘑曰家有千

櫻子孫不窮

漆 其樹連畝而種夏夜斫漆承以小蚌方曉而收用生漆者以麻布漉之和以桐油則為熟漆

藍 通志藍三種蓼藍染綠大藍如芥染碧槐藍如槐梁青

三藍皆可作澱寧所種槐藍也種宜近山之田澱一作靛

義寧州志

卷八

土產

十二 四百五十五

紙 有火紙花箋紙疏紙穀皮紙土綿紙表心紙硬殼紙出

武鄉火紙花箋表心各槽歲出萬肩

杉 伐木編為桴有白皮花皮二種其皮亦可蓋屋

蕨粉 其苗可食山谷詩曰竹笋初生黃犢角蕨芽已作小

兒拳掘其根搗碎用水澄漉為粉可以救荒深山中根大

者一枚可得粉數升澄之再三為漂粉極佳又葛根亦可

作粉

石炭 出彭姑溪口漢書地理志豫章出石可然為新是也

木炭 出崇武鄉尤多堅者為白炭次曰羅煬

石灰 多出高泰二鄉有黃白二種用青石燒者為上白可

以塗墜襍石燒者為黃灰可以糞田

陶器 缸甕長瓦之類找橋沙窩亦有瓷碗製則古樸耳

菸 古名淡巴菇種宜肥土

志曰義寧無瑰奇珍異之產惟茲樹藝動植之物為民生日用之不可缺者紀之亦鮮薄甚矣雖然土沃則產饒而俗奢土瘠則產嗇而俗儉與其奢也寧儉此土近之

義寧州志

卷八

土產

十三
九十三

義寧州志卷八終